

Aura Maybelline Arends-Croes

Naci 27 di maart 1945 Docente di musica.



ander, y Reina Beatrix).
Ademas di e lista largo di presentacionnan cu su coronan na Aruba, el a presenta na television di Republica Dominicana cu **"Young Voices"** tambe na Tele-Corsow, den Sabado Sensacional, na Bonaire, biaha pa e islanan cu cantantenan hoben pa festivalnan, coach cantantenan adulto pa diferente festival local y internacional.

Maybelline a actua como miembro di hurado a tur clase di concurso y festival na Aruba, Corsow y Bonaire y tabata miembro tambe di comision pa eleccion di Himno di Aruba na 1975 y riba 18 di maart 1976 a dirigi coro Tutti Frutti durante e manifestacion grandioso di inauguracion di Himno y bandera di Aruba, cu musica di Orquesta Harmonico di Aruba bao direccion di Joy Kock. Desde 1976 e ta participa anualmente den aubade di dia 18 di maart cu su coro o dirigiendo coronan di school.

Maybelline tabata miembro di comision di dunamento di nomber na cayanan di Aruba, tabata miembro di Staten di Antiyas y tabata miembro di comision tambe di produccion di e manuscrito **"Lor'un wals"** (metodo di piano pa principiantenan) di Eddie Bennett.

Riba hopi otro tereno tambe Maybelline tabata y ainda ta hopi activo.

Por menciona Arubaanse Kunstkring, UNOCA, Comision di Bon Boluntad pa mehoracion di nos Carnaval, CODES cu ta comision di despedida di estudiante, TMLA (Team Musica Liturgico na Aruba), miembro di directiva di CaibCopy (organizacion di derechonan di autor) FMCS cu ta Fundacion Pro Musica coral Sagrado,

miembro di Fundacion Dera Gai, president di Fundacion Motito Croes pa menciona algun.

Otro ramo den cual Maybelline ta masha popular ta den composicion. El a compone cantidad di cancion pa cantantenan chiquito te grandi pa festivalnan, compone pa tex-tonan di Hubert Booi y Digna Lacle Herrera y Burny Every. Por menciona entre otro, **"Llanto di un Mama"**, y **"Roller boogie"**. Gana cu composicion di **"Un soño"** cu texto di Digna Lacle.

Maybelline a traha riba adaptacion di e cancion popular di weganan olimpico na Seul 88, **"Man den Man"** y grandi di dje ta tambe e cancion pa despedida di studiantenan **"Futuro ta di nos"**. Maybelline a traduci y adapta mas o menos 100 cancion na Papiamento pa uso den schoolnan, pa su coronan, gruponan vocal, solistanan y coro di misa.

El a compone pa obranan teatral tanto pa Aruba como pa Corsow, tene varios show di Pasco pa television y aparace den shownan cultural di television hopi aña.

El a compone pa e obra **"Amor di Kibaima"** cu 11 show na Corsow na 1969, **"Aventura sin spera"** dirigi pa Burny Every na 1973, **"Un Pasco pa Ma Anina"** na 1974, **"Malamucha mey anochi"** na 1975, **"Pachi ta soña"** di Burny Every, pa **"Bela di Pasco"** di Lila Caster Luidens, pa **Theatrum** di Corsow el a compone y su coro Tutti Fruti a canta pa e obranan **"De kleuren Koningin"** y **"De Tijdmachine"** pa **"Aventuranan di Compa Nansi"** adapta y dirigi pa Carmen Herrera, **"Magia di Fantasia"** di Lila Caster Luidens. Na television su gruponan y cu su composicionnan ademas por a ser scucha den programa di **Lago y shownan di Pasco, programanan di Cultura y Educacion, Cocktail musical, Matinette, Showtime, Nos cu nos, Quo Vadis, Regalo Musical**, pa menciona algun programa.

Grandi tambe tabata **"Nacimiento di Hesus"** graba pa Tele Aruba na cuevanan di Guadirikiri, Masiduri, casnan tipico na noord, un cura di carne na Santa Cruz etc. cu actualcino di su gruponan di canto, solistanan y studian-

tenan di APA. Pa mas o menos 10 aña e obra aki a wordo presenta anualmente den temporada di Pasco na television.

Maybelline a ricibi reconocimiento na cantidad den transcurso di añanan, pero esun cu mas a sobresali tabata dia cu el a wordo condecora como **"Ridder in de Orde van oranje Nassau"** na 1994 cu henter Aruba a keda masha contento cu esaki. E musical **"Magia di Fantasia"** a wordo dedica na Maybelline, Carmen Herrera a dedica poesia na su persona, Vozilandia a wordo dedica na dje, cancin a wordo componi y dedica na Maybelline di Jane De Cuba, Gloria Vega y Lilia Caster Luidens, Festival Voz hubenil a wordo dedica na Maybelline, el a ricibi premi Diario como personahe di aña riba tereno cultural, el a ricibi plaqueette pa su contribucion na comision himno y Bandera y su di tres lustro, y tambe pa su 25 aña como docente y dirigente di Tutti Fruti, y ainda e isita ta largo.

E aña aki **Festival "Un canto pa Aruba"**, relaciona cu Dia di Himno y Bandera diasabra awor ta dedica na Maybelline, un di nos baluartenan cultural di cual nos ta masha orguyoso.

E lista di tur locual Maybelline a haci, su contribucionnan, su colaboracionnan, reconocimentonan etc, ta hopi largo. Di tur esakinan ta papel tras di papel lo mester

lesa di su logronan tanto local, riba islanan ABC y den exterior.

Su cancionnan, su produccionnan riba disco, riba CD, di su coronan, di cantantenan solista ta yega na decenas.

El a skirbi buki cu cancionnan na papiamento, ingles, spaño y hulandes, su **"cancionnan di Pasco y Aña nobo"**, **Cancionnan di Sinterklaas**, **Paz y Fraternidad**, **"Canta cu Hesus"**, y **"Nos ta canta"**.

Cancionnan, poesianan, festival di cancion, a ser dedica na su persona, el a ricibi cantidad certificadonan y plaqueettenan di aprecio di organizacionnan, personanan, institucionnan, clubnan di servicio y instancianan den transcurso di añanan pa su colaboracion y dedicacion na musica y canto.

Riba tereno di deporte e ta amante ferviente di bowling, ex hungador di volleyball, gusta landa y haci ehercicio. Su hobby di mas grandi ta su familia.

E ta yiu di Frans y Aura Croes, nieta di Sixto, **"Motito"** Croes, casa cu Karel Anthony Arends, mama di Igor Ebyam Arenss casa cu Zueleika Lacle y Giaira Sorina Arends cu ta studia na Hulanda. Personanan cu semper a dune respaldo pa tur cos cu e ta haci riba tur tereno y cu un gratitud eterno na Señor nos Dios cu a duna e talentonan cu e ta usa diariamente pa tur su tareanan.

Despues cu na 1963 Maybelline a termina HBS-A na Aruba, el a sigui su estudio na Hulanda den Algemeene Muzikale Vorming y logra su diploma na Conservatorio di Hilversum.

Back na Aruba el a traha di 1968 te 1973 cu Arubaanse Muziekschool, y tabata e prome persona na duna les den distritonan Santa Cruz, Noord, Paradera, Savaneta y Brasil, ademas di su trabao na Oranjestad.

Di 1968 te awe, e ta trahando na Colegio Arubano y desde 1969 ta docente di musica na Academia Pedagogico Arubano, IPA.

Desde 1973 e ta duna les di canto, piano y guitarra na su cas.

Riba base voluntario, Maybelline a yuda masha hopi grupo musical, organizacion y institucionnan riba nos isla y tabata dirigi tambe varios coro.

Diez aña largo el a dirigi **"Coro San Francisco"** di Playa, y a dirigi **"Tutti Frutti"**, **"The Sunrise"**, **"The Young Voices"**, **"Grupo Crystal"** cu tabata coronan hubenil, y coro di adulto **"Mélange"** cu ta masha activo ainda.

E coronan aki a duna presentacion pa tur clase di actividad riba nos isla, entre otro den misanan, matrimonionan, entieronan, eventonan deportivo, programanan di television, hotennan, dia di Mama y di Tata, eleccionnan di Miss Aruba y di Reinanan di carnaval, celebracionnan di Himno y Bandera, Dia di Betico, Pasco, Festivalnan di Cancion, na Casnan pa ancianonan, orfanatonan, institucion pa esnan cu handicap, hospital, y asina por sigui menciona e lista largo di otro-

nan. Maybelline ta dirigi actualmente tambe Coro **"Bereya"** cu ta canta den misa di Santa Cruz como su meta principal.

El a dirigi **"Los tres Cochinitos"**, **"Singing Tweeties"**, **"Brisa Nobo"**, **"The Sunrise"**, **"Los Embahadores"**, **"Grupo Fuga"**, y **"Starlite."**

Maybelline tabata tin e honor di dirigi coronan durante bishitanan real (por menciona bishita di prinses Beatrix, prins Claus, prinses Magriet Prins Willem Aiex-